

約章成案匯覽

約章成案匯覽乙篇卷四上目錄

章程

交際門 儀文類

總署咨英國各船升礮章程文

光緒三年
附章程

外務部咨英海部擬定各國兵艦相遇升礮禮節章程候議定

照辦文 光緒二十八年

外務部咨英國與各國議定兵艦相遇應行升礮禮節章程中

國應一律照章辦理文 光緒二十九年

外務部咨准俄使雷照稱俄國海邊各礮城水師章程敬礮處

所請飭水師官知悉文 光緒二十九年

總署咨英國水師官員拜謁章程文

光緒三年
附章程

總署咨中外往來儀式節略一體飭知遵照文

光緒五年
附節略

南洋大臣劉劄行英海部新改敬礮章程文

光緒二十年
附章程

北洋水師營務處羅道臺稟回答國礮儀制章程六條

山東洋務局核議地方官接待外人禮節詳文

光緒二十八年

總署奏釐定寶星章程請

旨遵行摺

光緒七年
附章程

出使英法大臣曾奏請

旨定寶星章程摺

光緒八年

總署附奏改定寶星章程片

光緒二十二年

總署奏改定寶星式樣請

旨遵行摺

光緒二十三年
附章程

約章成案匯覽乙篇卷四上

章程

交際門 儀文類

總署咨英國各船聲礮章程文

光緒三年
附章程

為咨行事光緒三年正月十七日准英國傳署公使照稱本
國水師各船施放號礮現將舊例略為變通議定新章開辦
並將本國水師兵部原刊通咨一件送呈等因前來相應鈔
錄照會並章程擇要咨行須至咨者

右咨北洋

附錄英國照會並章程

為照會事准本國總理各國事務丞相德來文所有本國水師各船向例施放號礮原為示敬之意起見現與有水師之各國諮商將舊例略為變通業已會同議定新章訂自本年七月初一日即華曆丁丑五月二十一日起開辦茲由本國水師兵部將新章錄由通行知會各屬遵照辦理特將水師兵部刊印咨文送交一體知照到本署大臣合將水師各船施放號礮新定章程擇要詳錄照會

第一段

英國水師船施放號礮他國無庸回敬

一凡遇各國朝廷及各國國主並各國御戚在各口或來或往或上英國師船之時英國師船并礮致敬彼國船隻毋庸

回敬

一凡遇各國出使大臣暨領事官等員或文武各官及管轄外藩之總領大臣在各口或來往或上英國師船之時英國師船升礮致敬彼國船隻毋庸回敬

一凡各國無論何項勞績出衆之士上英國師船之時英國師船升礮致敬彼國船隻毋庸回敬

一凡遇各國慶典佳節時英國師船升礮致敬彼國船隻毋庸回敬

第二段

英國水師船施放礮他國師船或礮臺按原放數一體回敬

一英國師船行抵他國海口升礮致敬彼國國旗彼國即當

按原礮數回敬

一他國水師提督暨水師都統或在海面或在各口內英國師船相遇彼國即當回敬

以上章程訂自一千八百七十七年七月初一日

即丁丑年五月

二十日起一律開辦

外務部咨英海部擬定各國兵艦相遇升礮禮節章程俟議

定照辦文 光緒二十八年

為咨行事光緒二十八年四月十七日准英薩使照稱接准本國外部大臣咨錄海部函以各國兵艦相遇應行升礮禮節所有水師各國章程未能劃一每致多有未便本部現擬

與各國妥商定章以便遵行茲將所擬此項定章開列於下
一每遇他國水師元帥旗號升礮十九響二每遇他國頭等
水師提督旗號升礮十七響三每遇他國二等水師提督旗
號升礮十五響四每遇他國三等水師提督旗號升礮十三
響五每遇他國水師統領寬旗升礮十一響以上五條可否
先行請為轉詢本大臣合行備文奉詢即布查照見復以便
轉達本國外部等因除由本部照復該使以此項章程各國
如均議定中國自可照辦外相應咨行
貴大臣查照可也須至咨者

外務部咨英國與各國議定兵艦相遇應行升礮禮節章程

中國應一律照章辦理文

光緒二十九年

為咨行事查各國兵艦相遇應行升礮禮節前准英國薩使
照開擬定章程五條業於光緒二十八年四月二十一日咨
行查照在案茲復准該使函稱所有兵艦升礮禮節現在本
國已與各國議定擬於西本年四月初一日起一律照該章
程辦理中國是否照行即希速復以便轉達等因除由本部
函復該使以前項章程既與各國議定中國自可照行外相
應咨行
貴大臣轉飭各水師將領查照前次咨行章程一律辦理可
也須至咨者

外務部咨准俄使雷照稱俄國海邊各礮城水師章程敬礮
處所請飭水師官知悉文

光緒二十九年

為咨行事光緒二十九年十一月十五日接准俄國雷使照
稱茲准本國外部來文內開本國海邊各礮城遵照本國水
師敬礮章程敬礮之各處開列如下一汾瀾港暨波羅特海
之克倫什塔特西威亞堡里巴瓦烏斯特得冰斯克一黑海
之窩又廓夫賽瓦斯托堡克爾赤米海羅斯開亞即巴托穆
一大彼得之海參崴等處照會前來相應咨行

貴大臣查照轉飭各水師官員知悉可也須至咨者

總署咨英國水師官員拜謁章程文

光緒三年
附章程

為咨行事光緒三年四月二十六日准英國傳署大臣照會
內稱水師各船管帶大小官員拜謁章程譯錄照會並將本
國原刊通咨一件一併送呈等因前來相應照錄粘鈔咨行
須至咨者

右咨北洋

附錄英國照會並章程

為照會事准本國總理各國事務丞相德來文內開所有各
國水師各船隻統帶官員彼此往來拜謁原為禮敬之意起
見現與有水師之各國諮商新定章程已由本國水師兵部
將新定章程規例通行知會各屬遵照辦理特將水師兵部

刊印咨文送交一體知照到本署大臣合將水師管帶大小官員拜謁章程譯錄照會

第一段

首次派員
致意照拂

凡本國水師各船或一隻或數隻不等無論何處灣泊遇有他國水師兵船駛至即由本國統領官派員前往來船照例問候照拂若來船係屬數隻或幫當往該幫統領官之船照前致意隨由來船之管船官派員往本國船上謝步

第二段

彼此
拜謁

凡有水師兵船或一隻或數隻無論何處灣旋如有他國兵船或一隻或數隻不等懷來船之統領官與先到船隻之統

領官品級相埒於二十四點鐘內應由來船之統領官前往躬拜其先到船隻之統領官仍限二十四點鐘為期當往答拜設或兩國統領官品級不同應由品小者先行躬拜其往拜並答拜之限均照以上所開事理奉行茲將水師管船各官銜職品級開列於左 計開頭等水師提督 二等水師提督 三等水師提督 水師總統 水師總兵 水師將 水師游擊

第三端 統領大員躬親答拜之例

一凡水師提督總統總兵等員先向他國水師提督及總統等員拜謁訖即由彼國水師提督總統等員親往答拜若係

水師副將參將游擊等員來拜當由水師提督或總統等員特派標下總兵或副將參將等員代為答拜

一凡副將參將游擊等員先行拜謁水師總兵等員後即當躬行答拜

一凡各國水師兵船成幫無論何口相遇一俟統領官彼此拜謁後當由來幫各船之管船官向先到各船之管船官處往拜後分別答拜

一此項章程業已通行諮商咸知禮尚往來各國水師斷無軒輊均當恪遵

總署咨中外往來儀式節略一體飭知遵照文

光緒五年
附節略

為咨行事光緒五年十月初八日准英法各國大臣等會銜照稱各國官員與貴國外省官員相晤以至於行文現在會同酌議擬備文奉達等因當由本衙門咨行

貴大臣酌核咨復在案嗣經本衙門與威大臣屢次會商辦給節略往來茲於本年十月二十二日准威大臣函稱前接往來儀式節略已由本大臣面陳各國大臣查閱並晤商酌定請另為備文分行照會查照等因除由本衙門分行照會外相應鈔錄節略一件咨行查照一體轉行飭知遵照須至咨者

右咨

北洋
南

附錄中外往來儀式節略

光緒五年

前接中外往來儀式節略一紙經本衙門逐條答復乃貴大臣似未愜意晤談開屢請妥商茲特再擬辦法逐條開列於後一各國領事遇有事件必須面見各省督撫大吏者無論內地及各口自應隨時准見至接見禮儀雖各官品級不同然究係客官不得以屬員視之宜行以賓主之禮一節查外省自督撫至道臺品級雖有不同刻下會晤儀節無不以客禮相待將來遇有事件亦當隨時接見一律以賓主之禮相待一各國領事官與中國外省官憲遇有交涉事件需用公文往來其行文格式不得如上司行屬員下僚陳上憲無論

品級孰大孰小概用文移二字則不致有相屬之意一節查各國條約不同內有載領事官署領事官與道臺同品副領事官署副領事及繙譯官與知府同品會晤文移均用平禮等語此係專指品級相當者而言若督撫與領事等官未便概用文移二字但體制果無大礙自應設法通融現擬遇有尋常公務領事即可照舊照會道臺由道臺轉申督撫督撫即可照舊劄行道臺由道臺照會領事可省彼此遞行文件若事關緊要彼此無論品級大小概用照會往來一擬外省官員與各國領事官文件內書貴領事字樣各處公文內有提及領事官者則書其姓曰某領事字樣一節又中國外省

官憲行屬員文內向用硃筆圈點近於示式與外國官員文
件似可不用一節查此兩項無關體制均可照行以上各節
係通融辦法實為敦崇和好起見惟貴大臣及列位大臣詳
酌焉

原按領事見督撫大吏所謂以賓禮相待者蓋以本分非平
行中外又不相轄屬故用賓禮以示優待亦隱示別乎平行
之意其行文內所稱設法通融聲明尋常公務照舊照會道
臺轉中若事關緊要始彼此概用照會云云亦是此意所謂
通融者即事關緊要始還自行文可以體會而喻其詳並註
於本門設官類總領事仍用申陳案上

謹按中外往來儀式大略備於此條其詳悉節目未有議定明文而各處有相沿舊式酌錄數條以備參考

一督撫大臣關道與外國公使領事通函稱之曰貴大臣貴領事自稱曰本部堂本部院本大臣本道間有稱做道者不稱兄弟函首用啟者函末用順頌日祉或升旗不用請安字樣下款不列名書名另具別夾名片一紙外封於公使領事副領事及水師兵官則稱某大人繙譯隨員等官則稱某大老爺府廳州縣與外國官員通函者甚少如用之當仿此若與教士通函則稱之曰貴教士餘同外封或稱某先生或稱某老爺各循其處之舊

一中外官若欲會晤當先期函訂某日幾點鐘在某處相見屆時造謁彼此皆用名片不用名帖

一跪拜之儀西人向來不諳故中外官員相見但以拱手為禮或彼此以右手相握迎送坐起與尋常賓客同

一慶賀大典年節令辰均送片拜謁

一教士雖非官員而約章有地方官厚待保護示以體面之文除訴訟彼用稟呈此用批答外其餘酬酢往來皆當仿照上文儀式行之

一外國官員過境雖奉文保護只可照料不准應付水腳見同治八年江西成案

一如其來見自當答謁無論官職尊卑皆用平行禮否則不
必往還亦不可供給飲食車船但須派人保護出境勿致滋
生事端

南洋大臣劉劄行英海部新改敬嚴章程文

光緒二十年
附章程

為劄飭事光緒二十年四月初八日准

北洋通商大臣李 咨准

總理衙門咨開光緒二十年三月十八日准英國歐使函稱
本國外政大臣以海部新改敬嚴章程一紙囑為轉致前來
並附洋文章程一件本署已將洋文譯漢相應鈔錄漢洋文
章程咨行查照並希轉行沿海通商各直省督撫知照可也

等因准此除咨行外相應咨請查照等因並鈔單到本大臣
准此合行鈔單劄飭劄到該局即便移行遵照毋違

附錄船隻升礮示敬章程

第一條 第一凡船隻兩旁安放礮位逾十門者應升礮示
敬 第二凡武弁管帶船隻其船內安放機器快礮有逾四
門或輕礮六門者均應升礮示敬 第三凡需用示敬礮位
應照第一第二所言礮數須擇其礮位可以一人督理施放
者為佳 第四凡槍礮不得用作敬礮

第二條 凡船隻安放輕快礮位若非一律則擇其重者四五
門放之用以示敬

第三條凡礮口徑逾七寸重逾六墩半者不得用以示敬

第四條凡船隻升礮示敬外國或外國官員偶因事故不克
施放彼時須將情由婉言達知

第五條凡船隻至外國或遇外國官員若不升礮為禮恐被
見責相其事機仍以升礮為是

北洋水師營務處羅道豐稟回答國礮儀制章程六條

一答礮礮台宜先指定也查外國海軍規制某處如有數座
礮台與兵船升礮致敬祇須一台還礮其餘各台均不必還
凡海口有數座礮台之處須預先議定應歸何台還礮一以
免臨時互相觀望一以避各台重複還答今請以大沽北塘

旅順威海衛大連灣五口應為聲敵國礮處所大沽則南岸
鎮字中礮台答礮北塘則南岸大礮台答礮旅順則黃金山
礮台答礮威海衛則進北口由北山背礮台答礮南口由鹿
角背礮台答礮大連灣則和尚島礮台答礮云云

一礮台答礮宜照通例勿庸懸掛彼國之旗也查兵船敬礮
應掛所敬之國旗如係由我船答礮自應亦掛彼國旗以示
禮貌推原其意蓋因船上必有桅杆多枝本國之旗既掛中
桅自不妨以所敬之國旗暫懸於前桅以示禮貌至每座礮
台只有旗杆一枝其情形與兵船之有多枝桅杆者不同既
懸本國之旗即不能易掛他國之旗故各國海軍通例礮台

係本國土地凡還答外國兵船賀礮不升掛外國之旗此係
應請仿辦

一回答國礮宜請如數也查礮台答礮須俟與國兵船升礮
二十響畢然後如數還之此係專為回敬國礮而言如彼船
先未敬礮我台自不先行升礮其有奉 憲諭特敬與國王
公大臣者自不在此例

一我國在港兵船既已答礮礮台即可不還以免重複也查
外國通例港內如有本國兵船在港與國兵船升掛我國之
旗聲礮致敬即由我船升彼國國旗答礮如港內並無本國
兵船或雖有本國兵船而未配設賀礮者即由礮台答礮仍

查照第二條不掛彼國國旗以示區別

一答礮礮位宜先預備也查答礮但取其聲音洪亮不必率用大徑長膛之戰礮查外國海軍規例所有賀礮答礮祇可用十五生特口徑以下之礮聲能遠聞者以備答礮之用

一答礮聲數相隔宜有一定分秒也查外國賀礮答礮每響相間時候須有一定秒數速則五秒為準緩則十秒為準均可總而言之自第一響起至第二十一響止每響相隔秒數俾歸劃一而免參差

山東洋務局核議地方官接待外人禮節詳文

光緒二十八年

為詳請事案查東省交涉事繁日甚一日各國人等往來於

內地者亦無日無之目前所最關緊要而為交際之禮淺近易曉者約有三端均屬地方官應辦之事若不詳細分別恐為牧令者一經誤會非特貽笑外人抑且有損

國體本局既有專責自當悉心核議切實聲明其所以鄭重外交者即所以顧全內政也謹為我憲臺縷晰陳之

一曰保護如各國平常游歷傳教及勘辦路礦常來常往人等或由外務部各省咨行或由各國領事等官函送護照請各關道蓋印轉行者其到境時各該地方官務須遵照約章妥為保護凡遇各國洋人往來過境以及尖宿處所附近鄉民人等不得施以無禮或相聚圍觀或信口指談驚奇怪異

滋生事端更不可欺凌擾害儻偶有齟齬之事專責莊長首
事出為排解必使大事化為小事小事化為無事地方官苟
能平時化導居民委曲詰誼切勸懲自不致有意外之虞
至派差跟隨沿途接送猶其後焉者也

一曰照料凡有外國官員奉有彼國差派晉省商辦事件暨
有官爵有名望以及奉差游歷繪圖及赴各屬商辦要公者
其過境時各該地方官奉到憲臺劄飭或本局轉飭或電由
上站府縣函會務須預備潔淨尖宿處所以禮相接惟不必
供應飲饌一切物件該洋員等若因人地生疏路徑不熟或
託賃房屋或託僱車馬或託買需用零物一經該洋人函告

面商地方官即當妥為代辦所有一切價值費用均開賬由該洋員等照數發給要知此係格外交好以敦睦誼蓋地方官於此項人員本無供應之理各國人員亦無用中國地方官為之發給價值至於饋食送物是謂應酬各視其交情之所在以盡地主之禮而此等應酬亦當有節毋得過濫亦不可迂拘

一曰款待凡有各國官員奉有彼國專派晉省拜謁各大憲如古之聘問修好者各該地方官奉憲臺電飭劄飭及劄由本局轉飭或電由上站州縣玉會均應遵照以禮相接從優款待所有尖宿房屋以及飲饌應用各件應由各該地方官

遣派妥人預為籌備但求精潔妥適不在踵事增華此項動用銀兩各該州縣均准列入開報將來由本局核明給發以符憲臺前次檄飭之意至於地方官與各國人員稱謂一節查中外各官員本不相統轄凡外國人之有官職者應遵照憲臺劄開或本局文開官階大小於接見之時即以官階稱之如領事則稱貴領事世爵則稱貴世爵以此類推往拜則概用名片不可用銜帖手版亦不可稱謂太謙反為識者所嗤自稱曰我或曰本府本州本縣之類凡有洋員到境例應款待者地方官應先派人在郊外接往公館地方官在此迎見入座之後或略備中國茶點以示重客之禮至洋煙洋酒

等物有則用之無則用茶點例應照料者地方官亦應派人引到尖宿處所俟其來署拜晤再往答拜迎至堂前送至轎前相見之際彼若脫冠我宜答以拱揖彼若伸手我即伸右手與之把握總之我行我素不亢不卑斯為得體言談之際禮云立毋跛坐毋箕以及讓食不唾敬客之道按之西禮亦屬同然

以上各節特其大概而地方官會晤洋人之禮其規模亦不外乎此至於詳細節目應由地方官隨時斟酌因應準情度理所謂神而明之存乎其人總期無損

國體有益邦交斯交際之間自然中節矣所有本局核議待遇

外國人禮節分別等差章程是否有當理合詳請憲臺鑒核
俯賜通飭各府州縣一體遵守以示舉一反三之意為此備
由具詳伏乞照詳施行 光緒二十八年五月初一日奉
撫憲批據詳已悉所擬各節尚屬妥協仰候通飭各屬一體
遵照辦理此繳

總署奏釐定寶星章程請

旨遵行摺

光緒七年
附章程

奏為釐定寶星章程請

旨遵行以昭慎重恭摺仰祈

聖鑒事竊

臣

等於本年八月二十四日奏請

賞給英國使臣威安瑪等寶星摺內聲明再由

臣

等釐定等第酌

擬章程奏明奉

旨後製造頒給等因奉

旨依議欽此欽遵在案查泰西各國行用寶星大抵視品級之崇卑定禮文之隆殺約言其制則有四端一曰名目各國張掛旗幟制度各有不同中國之旗幟向例以繪畫龍文為識現擬仿照此例於寶星之上鑿以雙龍即命名曰雙龍寶星自頭等第三以下皆於上面鑿

大清御賜四字其頭等第一第二條

特表優異之典不得奉行濫請一曰等第各國之寶星有國君自行佩帶因贈予與國之君者有頒賜臣下而推及於與國之

臣下者分際迥殊等威不一現擬將寶星分列五等並於頭二三等中每等再分三級計次序之數共十有一即於寶星上整刻清文註明等第字樣自國君以至於工商人等各如其分以相酬庶名器不至濫邀而更免畸重畸輕之弊一曰藻飾我

朝之有品級考例意綦嚴故上自王公下及生監向以頂戴別尊卑現擬參用此意於寶星之上鑲嵌珠寶一顆分其顏色以示區別一曰執照各國每遇發給寶星之時除應行之文書外另備執照一紙給本人收執以為憑現擬於寶星執照內前半恭錄

允准釐定寶星之

諭旨後半填寫承領執照之人姓名籍貫敘明因何給予之故暨
給予之年月日其頭等第一第二未便加用執照應由 臣 衙
門知照各國外部大臣分別轉贈移送其頭等第三以下應
用執照則蓋用 臣 衙門關防此後本人若有劣跡經本國斥
退者仍將寶星執照一律追繳其餘尺寸之大小綵帶之短
長亦各隨等第以判低昂以上所擬各條考之各國崇尚寶
星之例立法雖異立意則同要皆因時制宜以期折衷至當
謹開列清單酌擬執照格式暨寶星式樣繪圖恭呈

御覽嗣後凡遇

頒賞頭二等寶星奉

旨後均由臣衙門製造頒給其三等以下寶星何處奏請

頒賞即由何處照式製造頒給仍知照臣衙門蓋用關防發給執

照以備稽核如蒙

俞允應由臣衙門照會各國使臣暨知照南北洋大臣各省督撫

出使各國大臣一體遵照辦理伏乞

聖鑒謹

奏 光緒七年十二月十九日奉

旨依議欽此

謹將寶星章程開列清單恭呈

御覽

頭等第一專贈各國之君

頭等第二給各國世子親王宗親國戚等

頭等第三給各國世爵大臣總理各部務大臣頭等公使等

二等第一給各國二等公使等

二等第二給各國三等公使總稅務司等

二等第三給各國頭等參贊武職大員總領事官總教習等

三等第一給各國三等參贊領事官正使隨員水師頭等管

駕官陸路副將教習等

三等第二給各國副領事官水師二等管駕官陸路參將等

三等第三給各國繙譯官游擊都司等

四等給各國兵弁等

五等給各國工商人等

頭等應用赤金地法藍雙龍第一中嵌珍珠金龍金紅色帶

第二中嵌紅寶石第三中嵌光面珊瑚俱銀龍大紅色帶

二等應用赤金地銀雙龍中嵌起花珊瑚黃龍紫色帶

三等應用法藍地金雙龍中嵌藍寶石紅龍藍色帶

四等應用法藍地銀雙龍中嵌青金石綠龍醬色帶

五等應用銀地法藍龍中嵌碑礪藍龍月白帶

頭等寶星式尚方計營造尺長三寸三分寬二寸二分二等

以下寶星式尚圖二等徑二寸七分三等徑二寸五分四等徑一寸九分五等徑一寸六分其上皆有環首

頭二等帶均長一尺三寸寬一寸五分兩頭有穗絲繩束結三等帶長一尺三寸寬一寸五分四五等帶均長五寸寬一寸一分

出使英法大臣曾奏請 旨定寶星章程摺

光緒八年

奏為請

旨明定寶星章程

頒示各國以重名器而聯邦交恭摺具陳仰祈

聖鑒事竊維寶星之制泰西各國自有章程彼此不相沿襲其制

則別之以會列之以等至貴之等乃其君長所自佩即以致
諸與國之君其諸臣之有勳績者亦各以其等賜之於是殊
其章服優以名稱而以佩帶之寶星表著其寵榮之差等伏
查

中朝制度向無寶星名目

御用服飾尤非臣下所敢擅擬近歲以西人之効用吾華者不無
微勞足錄遂因其制製寶星以獎之而其間之勤勞卓著者
則或授之顯職加以崇銜又其著者更獲邀
異數之榮在

國家懋賞懋官無分中外

恩至渥也惟是泰西衣服不與華同該西員等身荷

殊榮乃不復與佩帶寶星者一體表揚其

恩遇似於觀感之道猶有未盡臣愚以為宜考

中朝之制度製中國之寶星以最崇之等列為首條凡在臣工
均不得佩帶此外則按照

錫予滿漢臣工各項

恩賞之名目製為各項寶星以獎西員明定章程

頒示各國內以慎重名器外以聯絡邦交曾以此意商之總理各
國事務衙門旋准函稱寶星一事囑由本處設法整頓自係
為聯絡邦交慎重名器起見惟中國向來頒賞寶星僅憑總

稅務司暨外省呈報辦理此時應如何釐定章程之處本處
實無從懸擬可否向英法俄各外部詳細查詢其國之制度
若何并參以己意奏明請

旨遵行較為周妥等因 臣即恭稽會典考證西圖并參以愚見擬
就寶星章程首列優等以備致予邦君繼列各項名目以酬
出衆勛庸末附五等功牌以獎尋常勞績除繪圖帖說連同
繙譯西國寶星章程咨呈總理各國事務衙門以備查核外
謹恭摺具陳請

旨飭下該衙門妥議具奏伏候

欽定遵行抑 臣更有請者此次明定寶星章程僅蒙

俞允可否准令中外臣工如奉

特旨恩賞何項寶星亦得一體佩帶庶西洋各國諸人信尊榮之
有據益奮勉以圖功愚昧之見是否有當伏乞

皇太后

皇上聖鑒訓示謹

奏

總署附奏改定寶星章程片

光緒二十二年

再臣衙門光緒七年奏定寶星章程內開頭等第二給各國
世子親王宗戚等頭等第三給各國世爵大臣總理各部務
大臣頭等公使等通行各省應遵照辦理在案近日邦交

加密

頒賜寶星之案比舊增多洋員職分崇卑不能不詳悉查攷以免
畸重畸輕之弊近接出使大臣許景澄函陳洋人爵分五等
其首等曰潑林次略如中國王爵為世子及近支親王通稱
而近支親王與疎遠世襲之王體制迥異親王禮同儲貳世
爵但據以標門望官秩並不加崇如各國駐使之世襲者即
援世爵大臣字樣越請頭等寶星恐無以為酬獎彼國宰相
部院大臣之地應請於章程內立案聲明頭等第二寶星專
贈給各國世子並近支親王凡例襲王爵者不在此例其頭
等第三寶星應以部院大臣頭等公使為斷庶二等公使有

爵者不能援照等語臣等覆加查核所言甚有條理與原奏
慎重釐定分別等威之義亦屬相符惟事關奏定章程應仍
奏明請

旨如蒙

俞允即由

臣

衙門立案通行一律遵辦謹附片具陳伏乞

聖鑒謹

奏 光緒二十二年三月二十一日奉

硃批依議欽此

總署奏改定寶星式樣請

旨遵行摺

光緒二十三年
附章程

奏為酌定寶星式樣請

旨遵行恭摺仰祈

聖鑒事竊^臣衙門於光緒七年十二月十二日奏定寶星章程奉
旨依議^臣屆欽遵辦理嗣於二十二年三月二十一日復奏請將
頭等第二第三寶星頒給限制立案聲明奉

硃批依議欽此近日邦交益密往來贈答事類繁多上而列國君
主之周旋下及貴戚臣工之頒賜典儀所在義貴精詳寶星
取象列星外國製造多為光芒森射之形以顯昭明而彰華
貴中國舊式形方且重與內地功牌相近外人往往以艱於
佩用似無以達彼嚮風拜寵之忱^臣鴻章奉使歐洲於請

旨頒給洋員寶星案內曾將應行釐定情形附片陳明在案現^臣

等公同酌議嗣後寶星式樣應請量與變通參酌歐洲各大國通行式樣加以星芒改製精工鑄造藉示

恩榮其名目藻飾鑿刻一切均照舊章其鑄造擬選募津滬良工範以銀模俾臻精美其大小佩帶均無庸加鑄龍形似此斟酌變通其於樽俎雍容頗為宜稱亦慎固邦交之一道謹將新擬寶星式樣繪圖恭呈

御覽如蒙

俞允即由臣衙門遵照改造照會各國使臣暨知照南北洋大臣各省督撫出使大臣一體遵照辦理是否有當伏乞

聖鑒謹

奏 光緒二十三年二月十一日奉

硃批依議圖留中欽此

謹將改定寶星章程恭呈

御覽

頭等第一專贈各國之君式樣應用赤金地法綠龍起金鱗
上嵌大珍珠一顆圓龍內中心嵌小珍珠一顆沿邊用小珍
珠鑲嵌一圍赤金星芒佩帶副寶星亦用綠龍起金鱗中嵌
珍珠一顆外鑲小珍珠一圍金紅色帶

頭等第二專贈各國世子並近支親王等式樣應用赤金地
法綠龍起金鱗上嵌光面小紅珊瑚中嵌光面大珊瑚珊瑚

之外鑲小珍珠一圍赤金星芒佩帶副寶星亦用綠龍起金
鱗中嵌光紅珊瑚上嵌小珊瑚大紅色帶

頭等第三專給各國世爵宰相部院大臣頭等公使式樣應
用赤金地法綠龍起金鱗上嵌光面小紅珊瑚中嵌光面大
珊瑚雲頭內各鑲小珍珠共八顆赤金星芒佩帶副寶星亦
用綠龍起金鱗中嵌光紅珊瑚上嵌小紅珊瑚大紅色帶頭
等第三以下均有

御賜字樣

二等第一專給各國二等公使式樣應用金地起鱗金龍上
嵌小珊瑚中嵌起花大珊瑚銀星芒佩帶副寶星亦用金地

金龍中嵌起花珊瑚上嵌小紅珊瑚紫色帶

二等第二給各國三等公使署理公使總稅務司等式樣應用金地金光龍上嵌小珊瑚中嵌起花大珊瑚銀星芒佩帶副寶星亦用金地金光龍中嵌起花珊瑚上嵌小紅珊瑚紫色帶

二等第三給各國頭等參贊武職大員總領事官總教習等式樣應用金地起鱗銀龍上嵌小珊瑚中嵌起花大珊瑚銀星芒佩帶副寶星亦用金地起鱗銀龍中嵌起花珊瑚上嵌小珊瑚紫色帶

三等第一給各國二三等參贊領事官正使隨員水師頭等

管駕官陸路副將教習等式樣應用法綠地金光龍中嵌藍寶石上嵌小紅珊瑚自三等以下均無佩帶

三等第二給各國副領事官水師二等管駕官陸路參將等式樣應用法綠地起鱗銀龍中嵌藍寶石上嵌小紅珊瑚

三等第三給各國繙譯官游擊都司等式樣應用法綠地銀光龍中嵌藍寶石上嵌小紅珊瑚

四等給各國弁兵等式樣應用法藍地銀光龍中嵌青金石上嵌小紅珊瑚

五等給各國工商人等式樣應用銀地綠光龍中嵌硨磲上嵌小紅珊瑚

約章成案匯覽乙篇卷四下目錄

成案

交際門 儀文類 附各式寶星圖

外務部奏酌改各國使臣 覲見禮節摺 光緒二十七年

外務部奏克林德碑告成請 派大員致祭摺 光緒二十八年

外務部奏恭擬致賀英君加冕 國書摺 光緒二十八年

外務部奏請 旨定期 覲見俄國親王摺 光緒二十八年

外務部奏譯呈羅馬教皇國書並擬 答復國書摺 光緒二十

九年

外務部奏巴宴國祿親王等蒙 賞寶星 御筆等件代奏謝

恩摺 光緒二十九年

總署咨地方官答拜各國兵船設遇風浪可通融辦理文 光緒
十七年

外務部咨英使議定威海衛下旗升礮之禮文 光緒二十七年

外務部咨准美康使函現將敬旗之處移於魯西安納散腓立

比地方礮臺文 光緒二十八年

英薩使照會本國沿海本得尼司等處現免行船隻下旗升礮

禮節文 光緒二十七年

外務部咨准英使薩稱格爾訥西島一處往來各國船隻應下

旗升礮文 光緒二十九年

外務部照覆日賈署使南洋現以吳淞之南石塘及江甯下關
兩處為敬礮處所文 光緒二十九年

外務部照會日賈署使准南洋大臣咨浙江鎮海口敬礮處所
仍在笠山宏遠礮臺文 光緒二十九年

外務部照會日賈署使據閩浙總督咨敬礮處所仍在武口長
門文 光緒二十九年

外務部照會日賈署使廣州沙角地方旗山為敬礮處所文
光緒二十九年

出使英法大臣曾附奏洋員照料出使事宜出力請給獎寶星
片 光緒四年

北洋大臣李奏請獎英法官廠各員寶星摺

光緒六年
附銜名清單

外務部附奏英國人員不在該國受寶星例毋庸奏請給寶星

片 光緒二十八年

外務部奏請 賞給比使及參贊各員寶星摺

光緒二十八年

北洋大臣袁附奏請 賞給煙臺各國領事實星片

光緒二十

八年

南洋大臣劉鄂督張商務大臣盛會奏請 賞給各國駐滬領

事實星摺

光緒二十八年
附職名清單

外務部奏請 賞救護華民之德國輪船管駕等寶星摺

光緒

二十九年

出使日本觀會大臣振貝子等奏懇請 賞給日本各員寶星

摺 光緒二十九年

出使俄國大臣胡奏請改給俄外部大臣寶星並 賞給俄員

寶星摺 光緒二十九年

外務部奏請 頒給墨君主及執政外部各員寶星摺 光緒三

十年

商約大臣呂等奏中日商約辦竣請 賞日員寶星摺 光緒三

十年

外務部咨各省請 賞寶星嗣後由部製造文 光緒二十九年

北洋大臣劄中外人民互相嫁娶歸夫治管轄文 光緒十四年

北洋大臣劉意國函請彼此嫁娶照章辦理文

光緒十五年

約章成案圖覽乙篇卷四下

成案

交際門 儀文類

外務部奏酌改各國使臣

覲見禮節摺

光緒二十七年

奏為按照和議總綱第十二款商定各國使臣

覲見禮節恭摺仰祈

聖鑒事竊據領銜日國使臣萬緒幹三月初一日照會內開諸國

使臣會同

覲見

皇帝必在

太和殿其一國使臣單行入

覲者必在

乾清宮使臣呈遞敕書或國書必派

御與暨應有之侍衛前往使館並參隨各員同迓至

覲見之宮禮成後一體送歸使臣賞奉國書必由各中門行走

皇帝必親手接收國書諸國使臣至

宮殿階前降輿僮設宴款待必在

乾清宮

皇帝必躬親入座各禮節必與自主平等大國成規相符等語

臣

等查

覲見一事因中西體制不同各國使臣動援西例相衡以為相形見絀三十年來為此事彼此辯駁迄未能定今乘聯軍大勝之後請將禮節更改固係有扶而求然各國既有成規則所言亦非盡為無理祇可就其能行者酌予通融擇其不能行者力加駁阻爰指出礙難照辦者四端一使臣會同

覲見必在

太和殿一使臣呈遞國書須派

御輿迎迓一使臣

覲見在

宮殿階前降輿一設宴必在

乾清宮

皇帝躬親入座一面備文照復一面與各使公推承辦

覲見禮節之美國使臣柔克義日本國使臣小村壽太郎竭力磋

商三月二十三日又接葛絡幹照會但允將會同

覲見改在

乾清宮而轎用黃色在

宮殿階前降輿仍不肯改至設宴一節據稱各使並無必請

賜宴之意_臣等復以轎色中國祇有

皇帝用黃諸王公大臣皆用綠各國使臣入

覲時由內務府備派綠呢大轎迎送已足以昭隆重若乘坐黃轎

未免駭人聽聞礙難轉奏又降輿升輿一節中國向來體制王公大臣均在

東華門外降輿惟

賞紫禁城內乘坐肩輿者方能乘椅轎至

景運門各使既請均在

乾清宮

覲見人

宮之路必由

景運門應做中國王公大臣

特賞紫禁城乘坐肩輿之例於進

東華門後換坐椅轎至

景運門停下較為相宜備文照復旋聞英國使臣薩道義嘖有煩言謂照復辭氣不甚和平意將痛加駁斥臣等佯為不知彼亦竟置不答維思

廻鑒在邇

覲見禮節必須早日商定戶部右侍郎那桐奉出使日本之

命小村壽太郎頗與聯絡因囑其於酬應之便婉曲熟商許以綠轎加用黃繅小村允與各使商酌臣等復又辦給照會大意以日後或有國王及太子等來京必須預留區別地步敘明轎加黃繅下轎可在

景運門外五月十七日據日使葛絡幹照復轎加黃繅各使遵允惟降輿請改在

乾清門外等語

臣

等復又備文商酌改為至

景運門外換坐椅轎至

乾清門外階前降輿略示通融以期就範茲據日使復稱各使視以為然等語自應就此定議竊思歐美各邦咸以遣使聯交為重輅車來往絡繹於途將命呈書儀文必洽興戎出好消息可以微參上年啟衅之端莫甚於攻圍使館是以此次各使必欲將

親見禮節來機更改使積年所不能請者一旦遽准雖襄諸西國

敬使之儀未必盡為過當而揆諸

天澤堂廉之辨豈能每事曲從臣等設法磋磨歷時至數月之久始將乘坐黃轎及在

太和殿

覲見暨

宮殿階前降輿三節酌議改易其在

乾清宮設宴一節

賜宴與否既可不拘自應暫從緩議遇有應行設宴款待者統由外務部出名不言

賜宴各使當無可挑剔也所有商定使臣

覲見禮節緣由除將來往照會鈔送軍機處查核外理合恭摺由
驛具陳伏乞

皇太后

皇上聖鑒訓示謹

奏 光緒二十七年七月十三日奉

硃批依議欽此

外務部奏克林德碑告成請 派大員致祭摺

光緒二十八年

奏為德國原任使臣克林德牌坊告成請

派大員致祭恭摺仰祈

聖鑒事竊查和議總綱第一款所載德國原任使臣男爵克林德

遇害處所樹立銘誌之碑一節臣奕劻等前與德國使臣穆默商定辦法在於崇文門大街新設牌坊一座等因當經派員覈實經理自上年五月初十日興工起至本年十二月工竣據德國署使臣葛爾士懇請

欽派大員致祭於本月二十日會同觀禮臣等伏查前因拳匪之變德國使臣克林德途次被戕光緒二十六年閏八月初二日欽奉

諭旨賜祭一壇著大學士崑岡前往奠醑維時和議未定該國旋將克林德靈柩運送回國是以

賜祭之事未及舉行茲值牌坊告成該署使臣復以致祭為請原

派大學士崑岡現在因病請假屆期恐不克蒞事相應請
旨特派大員前往奠醊以示優榮而昭睦誼伏候
命下即由 臣 等知照欽遵辦理所有克林德碑坊告成請
派大員致祭緣由理合恭摺具陳伏乞

皇太后

皇上聖鑒謹

奏

外務部奏恭擬致賀英君加冕

國書摺

光緒二十八年

奏為恭擬

國書呈請

欽定仰祈

聖鑒事光緒二十七年十二月十二日奉

上諭明年五月為英君加冕之期着派鎮國將軍載振充頭等專使大臣前往致賀以重邦交欽此又於十二月十三日奉

上諭鎮國將軍載振着加恩賞加貝子銜欽此當經臣等照會英國駐京使臣轉達該國外部在案查向來

簡派使臣臣歷由臣衙門備具

國書奏請

頒給此次英君加冕

欽派頭等專使大臣前往致賀禮意至為隆重謹照章撰擬

國書繕具清單恭呈

御覽伏候

命下_臣等即行照繕送交軍機處請用

御寶發交該大臣祇領親齎前往敬謹呈遞所有恭擬

國書緣由理合繕摺具陳伏乞

皇太后

皇上聖鑒謹

奏 光緒二十八年正月二十日奉

硃批知道了欽此

恭擬致賀英君加冕 國書恭呈

御覽

大清國

大皇帝敬致書於

大英國

大君主兼五印度

大皇帝陛下光緒二十八年五月欣逢

大皇帝加冕盛典誕膺寶降肇舉隆儀凡在友邦同深慶幸中國
與

貴國通商最廣睦誼久敦近日益加親密茲特派員子銜鎮國
將軍載振為頭等專使大臣恭齋國書前往

貴國呈遞以申欣賀之忱藉為永好之據該大臣誼屬宗支忠誠亮達為朕素所親信惟望

優加接待俾克敬慎周旋肅將使命並祝

大皇帝鴻稱遠播福祚延長從此我兩國同享昇平邦交永固朕實有厚望焉

外務部奏請 旨定期 覲見俄國親王摺

光緒二十八年

奏為俄國親王來京請

旨定期

覲見恭摺仰祈

聖鑒事竊 臣等於本年四月二十四日准俄國使臣雷薩爾照稱

本國大皇帝堂兄耆理勒親王由大連灣乘坐兵船來京抵塘沽時應請

欽派大員前往迎迓耆理勒在京暫住數日極願將兩國睦誼面陳

皇太后

大皇帝前懇請

欽定日期

覲見等因當經_臣奕劻於二十五日面奏欽奉

諭旨派_臣聯芳前往塘沽迎接旋據該使_臣雷薩爾面稱耆理勒

於二十五日起程二十六日晚間抵京屆時應由_臣奕劻至

車站迎迓妥為接待該親王以在京暫住請將兩國睦誼
覲見面陳自係情殷修好相應請

旨定期准由該使臣雷薩爾偕同入

覲以遂其瞻就之忱至西國近支親王體制較崇應與各國使臣
覲見之儀有所區別恭候

命下_臣等即參酌中西規制妥訂禮節屆期帶領

覲見以昭優異所有俄國親王來京請

旨定期

覲見緣由理合恭摺具陳伏乞

皇太后

皇上聖鑒謹

奏 光緒二十八年四月二十六日奉

硃批著於五月初一日在乾清宮觀見欽此

外務部奏譯呈羅馬教皇國書並擬 答復國書摺

光緒二

十九年

奏為譯呈羅馬教皇國書並謹擬

答復國書分繕清單恭摺仰祈

聖鑒事竊_臣等據駐京法國主教樊國樑函稱接奉羅馬教皇登

極謹致

大皇帝國書理合賡送代為呈遞等因_臣等查羅馬教皇必約第

十於即位之初奉書通好擬請

賜書答賀以篤邦交謹照錄譯送該教皇國書並擬

答復國書分繕清單恭呈

御覽伏候

命下_臣等即行遵繕請用

御寶送交該主教樊國樑敬謹轉寄所有譯呈教皇國書並擬

答復國書緣由恭摺具陳伏乞

皇太后

皇上聖鑒謹

奏 光緒二十九年八月十九日奉

硃批知道了欽此

謹將羅馬教皇譯漢國書恭呈

御覽

羅馬教皇必約第十謹致書問候

大清國

皇太后

皇上陛下安好敬啟者朕雖無功無德惟賴

昊天寵眷即教皇位素諗

陛下推重邦交維新庶政與

先教皇通書往來情意綢繆以昭友睦殊深欽佩朕理合於即位

之初致書通問以聯舊好並祈

皇家清泰

國祚綿長永敦和好之誼朕實深切望焉

恭擬 答復羅馬教皇 國書恭呈

御覽

大清國

大皇帝問羅馬

大教皇好接誦

來書藉悉

大教皇肇啟新基益敦舊好朕心良為欣佩並欽奉

慈禧端佑康頤昭豫莊誠壽恭欽獻崇熙皇太后懿旨達聞

吉語快慰同深惟願

大教皇福祚長延德修愈懋永昭睦誼同享昇平用符殷殷致賀之意

外務部奏巴宴國祿親王等蒙 賞寶星 御筆等件代表

謝 恩摺 光緒二十九年

奏為代表謝

恩恭摺仰祈

聖鑒事竊 臣部於本年三月初五日帶領巴宴國親王祿佩希特

暨其弟戈爾克

覲見禮成奉

旨賞給頭等第二寶星各一座又奉

皇太后頒賞祿佩希特

御筆字一件

御筆畫一件繡片一分戈爾克

御筆字一件

御筆繡片一件均由臣部送交德國署使葛爾士轉交該親王等

分別祇領訖茲據葛爾士照稱該親王等仰沐

鴻慈優渥請將感謝之忱代奏謝

恩前來理合據情代奏伏乞

皇太后

皇上聖鑒謹

奏 光緒二十九年三月十五日奉

硃批知道了欽此

總署咨地方官答拜各國兵船設遇風浪可通融辦理文

光緒十七年

為咨行事凡各國兵船進通商口岸欲與地方官會晤先由
領事官函訂日期接晤之後自應答拜設或兵船寄碇海心
適有風浪上下船梯不便又不能久泊地方官自難拘答拜
之禮只可轉託領事官達意主客往還之誼各口皆應一律

辦理除函復已大臣外相應咨行

貴督轉飭各關一律查照辦理可也須至咨者

右咨粵督

外務部咨英使議定威海衛下旗升礮之禮文

光緒二十七年

為咨行事光緒二十七年十一月初二日准英薩使照稱現接本國外部大臣咨以沿海等處向有各國船隻往來應行下旗升礮之例今將威海衛定為應行此禮之處希查照等因前來相應咨行

貴大臣查照可也須至咨者

右咨南北洋

外務部咨准美康使函現將敬旗之處移於魯西安納散腓

立比地方礮台文

光緒二十八年

為咨行事光緒二十八年二月二十一日准美康使函稱接
本國政府管理兵部事務大臣來文云向來各國進口船從
前在魯西安納查基遜兵廠之紐奧波斯地方作為彼此敬
旗之處現將敬旗之處移於魯西安納散腓立比地方礮台
等因為此函達查照即希轉行知照等語相應咨行
貴大臣查照轉飭遵照可也須至咨者

右咨南北洋

英薩使照會本國沿海本得尼司等處現先行船隻下旗升

礮禮節文

光緒二十七年

為照會事現接本國外部大臣咨以向例本國沿海本得尼
斯營寨法拉謀域格爾訥西島阿樂多尼島等處定為往來
各國船隻應行下旗升礮之處現將此四處免行此等禮節
合即咨行轉致中國查照等因前來本大臣據此相應備文
照會

貴親王查照可也須至照會者

外務部咨准英使薩稱格爾訥西島一處往來各國船隻應

下旗升礮文

光緒二十九年

為咨行事光緒二十九年八月初十日准英薩使函稱前年

曾經本大臣照會將本國沿海格爾訥西島等四處各國船隻往來免行下旗升礮之禮茲奉本國外部來文以格爾訥西島一處仍定為往來各國船隻應行下旗升礮之處請查照等因相應據函轉咨

貴大臣查照可也須至咨者

右咨南北洋

外務部照覆日賈署使南洋現以吳淞之南石塘及江甯下

關兩處為收礮處所文

光緒二十九年

為照覆事前准照稱接本國行船大臣來函詢問各海口見外國兵船經過可有鳴礮致敬之禮等因當經咨行南北洋

查復前准北洋大臣咨復各節已由本部照復在案茲准南洋大臣咨稱查應升敬礮處所江蘇安徽江西三省沿海沿江一帶礮台雖多應擇常有外國兵船往來停泊之處現以吳淞之旁南石塘及江甯下關兩處礮台為敬礮之所等因相應照覆

貴署大臣查照轉達

貴國行船大臣可也須至照覆者

外務部照會日賈署使准南洋大臣咨浙江鎮海口敬礮處

所仍在笠山宏遠礮台文

光緒二十九年

為照會事所有兵船經過海口鳴礮處所一事茲復准南洋

大臣咨稱浙江鎮海口應升敬礮處所曾經核定於南岸竺山宏遠礮台作為敬礮之處嗣後並未更改等因相應照會貴署大臣查照轉達

貴國行船大臣可也須至照會者

外務部照會日費署使據閩浙總督咨敬礮處所仍在武口

長門文

光緒二十九年

為照會事所有兵船經過海口鳴礮處所一事茲復准閩浙總督咨稱廈口敬礮處所仍在武口礮台閩口敬礮處所向在長門礮台並無增改別處等因相應照會

貴署大臣查照轉達

貴國行船大臣可也須至照會者

外務部照會日費署使廣州沙角地方旗山為敬礮處所文

光緒二十九年

為照會事所有兵船經過海口鳴礮處所一事茲復准南洋
大臣咨稱准兩廣總督咨廣州口岸應升敬礮處所前經核
定沙角地方旗山升旗答礮現仍以該處礮台為敬礮之處
咨復核辦等因相應照會

貴署大臣查照轉達

貴國行船大臣可也須至照會者

出使英法大臣曾附奏洋員照料出使事宜出力請給獎實

星片 光緒四年

再 臣 此次出洋准法國駐京大臣白羅呢派副繙譯官法蘭
亭護送同行沿途照料極為周密行抵巴黎以後一切應辦
之事該員逐日來署相與商酌不憚煩勞情誼甚為殷摯 臣
查該副繙譯官向官外部自其大臣瓦定敦以下無不熟識
聲息易通該員係法國職官例不得明充中國差次此次偕
至巴黎既未給與俸薪亦未請領船費然其關照中國之情
實堪嘉尚合無仰懇

天恩俯准將法蘭亭

賞給二等寶星以酬勞動如蒙

俞允不特可以獎法蘭亭之微勞即其外部諸臣及公使白羅呢等亦皆與有榮耀此後交涉事件必可藉資得力理合附片陳請伏乞

聖鑒謹

奏

謹案贈給寶星各案層見疊出竇覺或不勝載今將每類各存一式以備查考參觀

北洋大臣李奏請獎英法官廠各員寶星摺

光緒六年

奏為船政生徒出洋肄業洋員教導出力請

旨分別賞給寶星功牌以示鼓勵恭摺仰祈

聖鑒事竊臣等接准出使德國大臣兼肄業監督李鳳苞咨開出
洋生徒歷經照章將駕駛各生先送英國格令尼次官學就
後商派兵船製造各生陸續商入法國官學官廠文案繕譯
各員亦送政治律例學院分投肄習瞬屆三年期滿官學官
廠各員盡心指授不分畛域不支薪費似宜格外獎勵其向
支薪水之另延教習幫同指教均屬出力亦應酌予獎賞西
國崇尚寶星榮於華宸而能邀他國寶星者尤以為榮中國
在洋之委員生徒既傳習其交涉駕駛製造各事擬請懇
恩酌量等差賞給寶星頒發功牌苟有績派生徒則鼓舞之以得
其日後真傳苟無績派生徒則酬報之以免其終身德色非

但有益於肄業抑且有益於邦交今與洋監督日意格往返
函商力加刪汰酌擇英法官學官廠督辦總監督馬的奴得
式內等共十員又英法官民各廠學總辦監督孟格非埃十
三員以上各員調派生徒延訂教導著有勤勞大半不支薪
水擬請

旨賞馬的奴得式內等十員頭等金寶星孟格非埃等六員二等
金寶星拉飛德等七員三等金寶星此外英法官學教習及
另延教習佳臬等八員擬請四品軍功並三錢重鑒金寶牌
歐般等十員擬請五品軍功並三錢重鑒金寶牌以資鼓勵
而示榮寵等因前來 旨 等查前此德國兵官教練華弁出力

經 臣 鴻章兩次奏奉

俞旨賞給寶星此次閩廠學生在洋人數尤多事務尤繁刻下正選派生徒陸續出洋欲策後效必應酬其前勞在洋人刻意求名不難罄其祕要在中國所費無幾頗足隱示牢籠謹開具銜名清單擬懇

天恩給予獎賞如蒙

俞允應由船政局照式製造寄由李鳳苞等分別頒給除咨請總理衙門知照英法駐京使臣外所有洋員教導出洋生徒請旨賞給寶星功牌緣由謹合詞恭摺具陳伏乞

皇太后

皇上聖鑒訓示謹

奏

謹將英法兩國教導肄業生徒尤為出力各員擬請獎勵開
具銜名清單恭呈

御覽

計開

法國海部總理員弁並水手人等水師提督馬的奴得式內

法國海部總理水師各廠事務提督銜薩把帖

法國格致院長巴黎地圖局副總辦並礦院總監督一品銜

多布類

法國礦院總稽查二品銜都朋

法國水師一等總監工官學總監督總兵銜舒有

英國格令官學總監督二品銜好士德

法國政治院總辦二品銜布德米

英國抱士穆德廠收發船表副將銜遜順

法國水師總監工副將卞那美

法國科魯蘇製廠督辦瑞乃德

以上十員擬請

賞頭等金寶星

法國汕薩芒製廠督辦前工部尚書孟格非埃

英國格林官學教習格致舉人藍伯脫

英國格林官學教習格致舉人勞敦

法國馬賽臘孫製廠總辦二品銜勒摩奴

法國馬賽製廠監督三品銜奧賽爾

法國臘孫製廠監督三品銜臘根

以上六員擬請

賞二等金寶星

法國科魯蘇製廠副總辦拉飛德

法國汕薩芒製廠副總辦畢庸

法國地中海廠巴黎副總辦舒愛把士德

法國地中海廠巴黎總稽查芳舒

法國前賽隆官學監督基爾

法國賽隆官學監督三品銜郎格內

法國水師總監工削浦官學副監督三品銜馬丹美

以上七員擬請

賞三等金寶星

法國水師副監工削浦官學教習參將銜佳臬

法國水師副監工教習多郎學生與濱

法國水師副監工前教習白海士登藝徒古士亥

法國水師副監工教習白海士登藝徒臘依德

法國水師副監工前教習削浦學生布拉

法國水師副監工教習削浦學生比俄

法國律例師前教習肄業隨員福果阿芒

法國算學舉人前教習肄業隨員福果阿貝

以上八員擬請

賞四品軍功並三錢重鑒金賞牌

英國格林官學天文教習歐般

英國海圖教習掌孫

英國製造學士汽機教習義歐

英國學士格林官學格致教習戴柏

英國格致舉人格林官學格致教習爾蘭諾得

英國水師礮學都司蘇哲爾

法國製造監工教習礦學生奧禮武

法國科魯蘇監工前教習藝徒羅甫

法國礦院官學教習基爾德

法國礦院官學教習李余爾

以上十員擬請

賞五品軍功並三錢重鑒金賞牌

外務部附奏英國人員不在該國受寶星例毋庸奏請給寶

星片 光緒二十八年

再臣等准軍機處鈔交浙江巡撫任道鎔片奏駐甯英領事
務謹順浙江法總主教趙保祿均請

賞給二等第三寶星等因奉

硃批著照所請外務部知道欽此除法總主教趙保祿寶星照章

頒給外查

臣

部前准英國使臣薩道義照稱英國人員領受

他國錫眷僅有三項一係遣赴他國慶弔之專使一係駐劄
他國任滿回國之水陸軍務參贊一係凡在他國境內或在
駐英他國使館當其出力之時未受本國俸祿之人員以上
三項非在其內者均不得領受等因是以上年醕親王載灃
請給英員布力等寶星本年倉場侍郎榮慶等請給英員實

朗寶星均據該使覆稱未便領受此次浙江巡撫請給英領
事務謹順寶星事同一律自應毋庸給領臣等擬請嗣後如
有英國人員為中國出力不在該國准受寶星例內者或另
行酬謝以獎其勞均毋庸奏請

賞給寶星以重體制伏候

命下即由臣部通行各省查照備案理合附片陳明伏乞

聖鑒謹

奏 光緒二十八年 月 日奉

硃批依議欽此

外務部奏請 賞給比使及參贊各員寶星摺

光緒二十八年

奏為請

賞寶星恭摺仰祈

聖鑒事竊比國署使臣賈爾傑秉性和平克敦睦誼自攝使事以來諸臻妥洽現俟其本任使臣姚士登來京即將辭任屢懇請

賞寶星俾增光寵又據該署使臣函稱比館參贊美益美克立二員副領事梅樂特一員辦事勤慎業已回國代求轉奏

賞給寶星又據日國署使臣賈思理函稱該國駐劄上海領事官阿巴利秀到滬已有數年現將回國願請

賞給寶星以誌感戴各等因臣等查洋員在中國辦理交涉咸以

得佩寶星為榮各國使臣及其參隨領事等於回國時請

賞寶星亦經臣衙門奏准有案今該署使臣等以求

賞寶星為請情詞至為殷懇臣等照章酌覈擬請

賞給賈爾牒二等第一寶星美益美克立各二等第三寶星梅樂

特三等第二寶星阿巴利秀三等第一寶星以昭優異如蒙

俞允臣等即行製造頒給所有請給寶星緣由理合恭摺具陳伏

乞

皇太后

皇上聖鑒謹

奏 光緒二十八年二月十七日奏奉

硃批依議欽此

北洋大臣袁附奏請 賞給煙臺各國領事實星片

光緒二

十八年

再據東海關道李希杰稟稱案查光緒二十六年直隸拳匪
肇亂南北隔絕煙臺海關為東省餉源所出駐劄煙臺各國
領事和衷共濟潛弭釁端實屬力顧大局擬援照兩江督臣
會奏長江互保案內駐滬各領事均蒙

賞給實星成案請將駐劄煙臺各領事一律給獎以彰勞勩查有
美國正領事法勒德國正領事連梓俄國正領事現升任山
海關正領事格羅思日本國正領事田結卿三郎和國正領

事吉勃里等五員擬請

賞給三等第一寶星又法國頭等繙譯署副領事業國麟喘喚哪
喊國副領事顧林森二員擬請

賞給三等第二寶星以示鼓勵等情前來臣查庚子年間直隸拳
匪肇釁猝發兵端南北隔絕山東承南北之衝煙臺居海程
之要五方雜處拳匪羽黨來間窺伺時有蠢動嘗試之心商
民驚徙十室九空各國泊煙兵艦舳艫相望倉皇擾攘幾難
措手經該道與駐煙各國領事堅明約束凡各國兵丁均令
保其領事公署及洋商地方不得濫入街衢而各領事均能
遵守定章不令洋兵亂行又有內地教士避居來煙遇有交

涉無不和平商辦實屬力顧大局合無仰懇

天恩俯准照擬給獎以彰勞勩再查有英國正領事譚得樂一員
經該道稟請給獎惟前准外務部咨英國凡不在應受實星
人員應無庸給等語該領事勞勩與各國領事相同若不給
予獎敘未免向隅相應請

旨飭下外務部核奪究應如何給獎之處與英使妥商奏明辦理
理合附片具陳伏乞

聖鑒訓示謹

奏

南洋大臣劉鄂督張商務大臣盛宣懷奏請 賞給各國駐滬

領事實星摺

光緒二十八年

奏為前歲兵端猝啟上海各國領事和商保護有裨大局懇
恩賞給實星以酬勞勩恭摺仰祈

聖鑒事竊查光緒二十六年北地拳匪滋擾猝發兵端京津戒嚴
東南因之震動沿江一帶伏莽潛滋到處思逞中外商民紛
紛遷徙一夕數驚各國復徵兵調艦聲稱保教護商分布各
口倉皇擾攘互相疑懼內外交訐辦理甚形棘手適奉

諭旨責令各直省將軍督撫相機審勢保守疆土臣等亟電交馳
妥議互保之法以臣宣懷久駐上海與各國領事聯絡有素
督同前江海關道余聯沅妥籌商辦各領事因與駐京使臣

聲息隔絕電請本國外部給予辦事之權彼此再三晤商堅
明約束訂定租界內各國實力保護長江及蘇浙等處內地
均歸各督撫實力保衛兩不相援以保全中外商民人命財
產為重江海口岸各國祇酌派一二兵輪以安洋商之心至
各路礮臺及製造局等處勿往游弋駐泊均能奉約惟謹一
切防守事宜並經_臣等妥為佈置處以鎮靜各處土匪滋擾
立即剿滅遇有交涉委曲商籌各領事亦能和衷共濟深信
不疑應時數月俾免釁端事後追維實非始料所及_臣等受
恩深重各有應盡之責而各領事始終協助得以轉危為安實屬
力顧大局茲將各洋員銜名開具清單恭呈

御覽合無仰懇

天恩俯准照擬分別

賞給實星以酬勞動出自

鴻施除咨外務部查照外謹合詞恭摺具陳伏乞

皇太后

皇上聖鑒訓示謹

奏

謹將駐滬各國領事職名繕具清單恭呈

御覽

計開

葡國總領事領袖華德師

英國總領事霍必蘭

德國總領事克納貝

法國總領事白藻泰

美國總領事古納

俄國署總領事來覺福

日本國署總領事小田切萬壽之助

以上總領事官七員按照定章各請

賞給二等第三寶星

奧國領事畢士格

義國領事計細

日國領事馬德

和國領事汪禮

那國領事哈勃克

丹國領事厲克師密甫

比國領事德錫尼

以上領事官七員按照定章各請

賞給三等第一寶星

外務部奏請 賞救護華民之德國輪船管駕等寶星摺

光緒二十九年

奏為請

賞實星恭摺仰祈

聖鑒事竊

臣

等前據德國署使臣葛爾士函稱據駐香港領事呈

報德國德瓦翁咨輪船管駕官韋伯樂暨武員內德爾又愛
播斯輪船管駕官裴特森均在海面遇有華船覆壞拯救華
民甚眾懇請

賞給實星俾資鼓勵等因當經

臣

等電知署兩廣總督德壽飭查

去後茲據覆稱電飭九龍關稅務司白榮喜查明德國德瓦
翁咨輪船上年十二月十三日駛至西貢之南見有遭風華
船救出華人七十八名愛播斯輪船上年十一月二十一日

行至海南之東見有華船危險救出華人七名各等情核與該署使臣函述各節大致相符臣等查中外輪船救護遭風難民迭經請獎有案今德國德瓦翁咨輪船管駕官韋伯樂武員內德爾愛播斯輪船管駕官裴特森於華船遭風危險均能盡力拯救全活甚多洵屬見義勇為不分畛域擬懇

天恩賞給該三員各三等第二寶星以示嘉獎如蒙

俞允即由臣部發交該使臣轉給祇領所有請

賞寶星緣由理合恭摺具陳伏乞

皇太后

皇上聖鑒謹

奏 光緒二十九年六月十九日具奏奉

硃批依議欽此

出使日本觀會大臣振貝子等奏懇請 賞給日本各員實

星摺 光緒二十九年

奏為懇請

賞給日本各員實星恭摺仰祈

聖鑒事竊 臣等奉

命前往日本大阪觀會事畢復赴東京覲見禮成之後日君贈送

臣等實星物件並分贈委員編譯各員實星有差業經電陳

在案外洋矜尚體面贈送實星向有酬答之例此次 臣等赴

東該國在事各員均能仰體我

皇太后

皇上敦睦之懷接待優崇倍越恆等酬酢往還之外導觀其學校
工廠武備各處所周旋照料情誼殷奉自應宣布

朝廷德意請

旨賞給實星籍資聯絡所有日本應請實星各員_臣等謹按奏定
章程分別等第繕具清單恭呈

御覽願懇

恩施照給以篤邦交如蒙

俞允即由_臣等咨行外務部照章製造並填給執照分別發交各

該員等祇領所有請

賞日本各員實星緣由理合恭摺具陳伏乞

皇太后

皇上聖鑒訓示謹

奏 光緒二十九年七月初三日奉

硃批着照所請外務部知道單併發欽此

出使俄國大臣胡奏請改給俄外部大臣實星並 賞給俄

員實星摺 光緒二十九年

奏為懇

恩改給俄外部實星並擬請

賞給俄員寶星恭摺仰祈

聖鑒事竊查各國頒給寶星本以官職之大小定寶星之等第如
頒給後該員官階升遷亦准改給加等寶星以符品級而資
佩帶現任俄外部大臣大學士兼參議大臣伯爵蘭姆斯多
甫前充副外部時經前頭等車使大學士李鴻章於光緒二
十二年奏

賞二等第一寶星該大臣旋於二十六年升補外部大臣兼充參
議大臣上年又特授大學士數年之間洊躋樞輔官職已非
昔比臣有時在使館請該大臣暨俄戶部大臣威特等宴接
與周旋彼皆佩帶中國寶星而來以昭睦誼威特前於光緒

二十一年業經

頒賞頭等第三寶星而外部尚未沐此

殊榮未免相形見絀且該大臣升任後各國均早有寶星之贈現

在中俄輯睦有加臣使事忝膺職在修好可否懇

恩改給俄外部大臣伯爵蘭姆斯多甫頭等第三寶星以敦和好
而資聯絡出自

逾格鴻施又庚子年京師與東三省同時擾亂海外謠傳不一輿
情洶洶大有與使館尋仇之勢賴俄官紳加意照料森彼得
堡防兵巡捕晝夜巡邏認真彈壓得免無事該俄員等均以
邀

賞寶星為榮自應擇尤酌獎用廣懷柔擬請將俄外部東方股首
領官柯樂斯託維次一員

賞給三等第一寶星俄都華俄銀行總辦璞克副將米勒副將阿
斯塔斐甫三員

賞給三等第三寶星都司車瓦什甫斯基守備沙廓洛甫二員
賞給四等寶星巡捕兵官羅瑪諾甫巡捕兵官赤特廓甫二員
賞給五等寶星以上八員合無仰懇

天恩俯准賞給以示優異如蒙

俞允即由臣查照前案遵式製備以便就近交給所有懇
恩改給並擬請

賞給寶星緣由理合恭摺具陳伏乞

皇太后

皇上聖鑒訓示謹

奏

外務部奏請 頒給墨君主及執政外部各員寶星摺

光緒

三十年

奏為墨西哥國遣使通好擬請

頒給該國君主暨執政各員寶星恭摺仰祈

聖鑒事竊查光緒二十五年中墨兩國訂立條約現經該國遣派

使臣郡華來京業經臣部奏請帶領

觀見呈遞國書在案頃准該國使臣面稱中墨締交伊始本國大
伯理璽天德願得寶星以為和好之據並請

賞給執政大臣等寶星等語並將名單開送前來臣等查泰西各

國君主恆以寶星相酬贈執政諸臣襄辦外交各友邦亦每
互贈勳章以酬勞勩中墨自訂約以來寓墨華民日衆工作
貿易利賴攸資嗣後交涉漸繁亟應聯固邦交隱寓保護僑
氓之意今該使臣以寶星為請核其情詞懇切實係出於至
誠相應據情請

旨可否按照所請分別

頒給寶星以示聯絡而敦睦誼謹繕具清單恭呈

御覽如蒙

俞允即由臣部酌擬等第照章製就發交該國使臣祇領轉致所有擬請

頒給墨國寶星緣由理合恭摺具陳伏乞

皇太后

皇上聖鑒謹

奏 光緒三十年九月十七日具奏奉

硃批依議欽此

商約大臣呂等奏中日商約辦竣請 賞日員寶星摺

光緒

三十年

奏為中日商約辦竣請

旨賞給日員寶星以篤邦交恭摺仰祈

聖鑒事竊前因中日新訂通商條約定議後日本駐滬總領事小
田切萬壽之助向臣海寰臣宣懷面稱此次新訂條約中日
辦事各員彼此均應各贈寶星以昭睦誼並云已將臣等銜
名開報本國兼索開隨員名單臣海寰等當經電請外務部
核示奉到部覆日本擬贈議約各員寶星可將銜名開送彼
如開送銜名亦當一體請

賞寶星旋據該總領事將本國在事各員開送二十名呈請照單
奏

獎以彰勞績等因 臣海寰 臣宣懷亦即將在滬隨辦華洋各員斟酌開送十員今年二月間又據該總領事將前送名單開獎等第並添送一名函請辦理前來當經 臣海寰等電達外務部查核旋准外務部覆電核與定章相符均可照准事關商約應由上海具奏以免周折等語前月又據該總領事面稱中國在事各員已由本國外務省奏准給予寶星並詢中國給予日員寶星是否照准意甚懇切竊思頒給勳章各國視為隆重之典溯查光緒七年間續修俄約已定經總理衙門奏請分別賞給各國駐京大臣寶星並釐定等第酌擬章程又光緒二十三年總理衙門具奏酌改寶星式樣奉

旨允准疊經頒發在案今日本既以寶星贈中國各員自不能不
轉為酬贈以盡報施之誼謹將日本總領事先後函送員名
等第清單彙總照錄恭呈

御覽可否照單

賞給寶星之處出自

聖裁如蒙

俞允即請

飭下外務部照式鑄就交由臣海寰臣宣懷轉送駐滬日本總領

事祇領遞寄所有臣等請

賞日員寶星緣由理合會同直隸督臣袁世凱湖廣督臣張之洞

恭摺具陳伏乞

皇太后

皇上聖鑒訓示謹

奏 光緒三十年五月二十七日奉

硃批著照所請外務部知道單併發欽此

外務部咨各省請 賞寶星嗣後由部製造文

光緒二十九年

為咨行事查各國洋員奉

旨賞給寶星向由本部按照等第分別製造繕寫執照發交祇領
其實星一項有由各出使大臣在洋製造者有由南洋大臣
在滬製造者原為就近發給可省轉寄之煩惟各處仿造不

免參差各國洋員每以款式未符聲請更換事關體制必須
明定劃一辦法方足以昭鄭重嗣後各省及各出使大臣請
賞寶星奉

旨允准應由本部一律照式製造並繕執照頒發均無庸在外另
製相應咨行查照可也須至咨者

北洋大臣劄中外人民互相嫁娶歸夫治管轄文
光緒十四年
為劄飭事准

總理衙門咨開德國公使前有中外人民互相嫁娶一事屢
次來商現經議定如有華女嫁德人者應歸其夫治管轄惟
德員應將華女嫁德人之事知照中國該管地方官至從前

有華女出嫁德人等事經此次定明後再由領事官補行知照地方官即為定妥如其中有華女出嫁德人並未稟請領事官知照地方官者將來被人控告應歸中國官審斷又或該女犯事在出嫁德人以前因而遠嫁異國希圖逃匿者一經查出此情其所有犯罪之處仍當由中國地方官提訊歸案至中國人娶德國婦人亦應援女嫁從夫之例歸其夫治管轄業經本衙門照議允行相應咨行貴大臣分咨沿江沿海各省轉飭各該地方官一體遵照辦理可也等因到本閣爵大臣准此除咨行外合行劄飭劄到該道即便轉飭地方官一體遵照此劄

右劄天津海關道

北洋大臣劄意國函請彼此嫁娶照章辦理文

光緒十五年


為劄飭事准

總理衙門咨准意國盧公使函稱前中德所議兩國婚禮一節及所定此事章程內之意本國國家視為同心現擬如有中意兩國男女彼此嫁娶之事將該章程一例照行等因查中外婚禮章程前經本衙門與德國巴公使議定允行後業將該章程敘明咨行貴大臣分咨沿江沿海各省轉飭遵辦在案此次意國亦請仿照辦理自應一律允行相應咨行貴大臣查照前案飭遵可也等因到本閣爵大臣准此查中德


兩國所議男女嫁娶一事上年四月間准總理衙門來文業經咨行在案茲准前因除咨行外合行劄飭劄到該道即便轉飭地方官一體遵照此劄

右劄天津海關道


星寶一第等頭




星寶副帶佩一第等頭




星寶二第等頭




星寶副帶坪二第等頭




星寶三等頭




星寶副帶保三等頭




星寶一第等二




星寶劍帶佩一第等二




星寶二第等二




星寶副帶似二第等二




星寶三等第二




星寶副帶佩三等第二





星寶一第等三




星寶二第等三



星寶三等第



星寶等四



星寶等五

